

«MOTTAKERNAVN»
«ADRESSE»
«POSTNR» «POSTSTED»

Trondheim, 15.05.2017

Dykkar ref.:
[Dykkar ref.]

Vår ref.:
2017/1432

Sakshandsamar:
Geir Rune Rauset

Ekstraordinært uttak av ynglehi av jerv i Tana, region 8, 2017

Miljødirektoratet set etter eige tiltak i verk skadefelling av ynglehi av jerv i delar av rovviltregion 8. Miljødirektoratet v/Statens naturoppsyn (SNO) er ansvarleg for gjennomføring av fellingsforsøka. Skadefelling vert gjennomført for å hindre skade på tamrein og bufe.

Tiltaket er heimla i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13 jf. §§ 1 og 3.

Vi viser til vurderingane våre i "Grunnlag for skadefelling av jerv i Noreg 2017" og "Beslutning om uttak av jerv av eget tiltak i deler av region 8 - Finnmark" datert 20. februar 2017 (tilgjengeleg på www.miljovedtak.no), inklusive lovgrunnlag for tiltaket, skadepotensiale og bestandssituasjon for jerv.

På bakgrunn av ei heilskapsvurdering av situasjonen pr. i dag vurderer direktoratet at det ikkje ligg føre noko anna tilfredsstillande løysing i det aktuelle området enn ekstraordinært uttak av jerv. Skadepotensiale for tamrein og bufe er gjeve avgjerande vekt i vurderinga. Bestandssituasjonen for jerv, nemnda si prioritering av aktuelle område for uttak og geografisk differensiert forvaltning er andre moment som direktoratet har vektlagt i si vurdering. Eit slikt uttak vert vurdert til ikkje å vere til skade for jervebestanden si overleving, eller å kome i konflikt med det nasjonale bestandsmålet for jerv, jf. Innst. S. nr. 174 (2003-2004) og rovviltforskriften §§ 3 og 4.

Ut frå vurderingane ovanfor og med heimel i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13, jf. §§ 1 og 3, set direktoratet av eige tiltak i verk felling av ynglehi av jerv innanfor nærare avgrensa område i Finnmark, region 8.

Følgjande vilkår er knytt til iverksetjing av felling:

1. Mordyr av jerv med ungar kan fellast innanfor hilokaliteten " J-NFI-001 Njucagaisa" i Tana kommune, Finnmark.
2. Miljødirektoratet v/Statens naturoppsyn er ansvarleg for gjennomføring av fellingsforsøket. Fellingsforsøket vert gjennomført i tråd med fastsett Instruks for det statlige fellingslaget ved uttak av vilt.
3. Vedtaket gjeld i tidsrommet 28. april - 3.mai 2017.
4. Miljødirektoratet kan til ein kvar tid trekkje tilbake løyve til felling.

Et slikt uttak av eige tiltak er ikkje eit enkeltvedtak, og forvaltningsloven sine klagereglar kjem ikkje til bruk, jf. naturmangfoldloven § 18 tredje ledd.

Løyve til felling vart gjeve i epost til SNO 28 april 2017. Rovviltnemnda i region 8 og Fylkesmannen i Finnmark vart vidare informert. Den 29. april felte SNO jervetispe og to ungar i det aktuelle området.

Dette brevet vert sendt til Rovviltnemnda i region 8, Fylkesmannen i Finnmark, Tana kommune, Finnmark politidistrikt, Klima- og miljødepartementet, Landbruks- og matdepartementet og Mattilsynet.

Helsing
Miljødirektoratet

Dette dokumentet er elektronisk godkjend

Susanne Hansen
fung. seksjonsleiar

Geir Rune Rauset
rådgjevar

Tenk miljø - velg digital postkasse frå e-Boks eller Digipost på www.norge.no.